



NARÓN

CONCELLO DE NARÓN

Datos Do Expediente:

XUNTA DE GOBERNO LOCAL		
Unidade Tramitadora:		
Organos de Goberno e Central – MCCM		
Número expediente:	Documento:	
GOB/2025/34	GOB19I009X	
<div>3T27 1356 413A 413O 086E</div>		

ACORDOS DA XUNTA DE GOBERNO LOCAL, DE DATA TRES DE ABRIL DE DOUS MIL VINTE E CINCO

SRES/AS ASISTENTES: <u>SRA ALCALDESA-PRESIDENTA:</u> D/Dª MARIAN FERREIRO DIAZ <u>SRES/AS CONCELLEIROS/AS:</u> TERRA GALEGA VOCAL - RAMOS RODRIGUEZ, MANUEL ANTONIO TERRA GALEGA VOCAL - ROMERO FRANCO, ROMAN TERRA GALEGA VOCAL - GOMEZ CASAL, M.DEL MAR TERRA GALEGA VOCAL - AMENEIRO LOPEZ, OLGA TERRA GALEGA VOCAL - LORENZO TOJEIRO, MARIA DEL CARMEN TERRA GALEGA VOCAL - OREONA BRA, JOSE <u>SRA. INTERVENTORA XERAL:</u> D/Dª MARIA DEL PILAR CANZOBRE MENDEZ <u>SRA. SECRETARIA SUBSTITUTA:</u> D/Dª Mª ANGELES MANTEIGA FULGUEIRA	<p>Na casa do Concello de Narón, ás 11:00 do tres de abril de dous mil vinte e cinco, baixo a presidencia da Sra. Alcaldesa-Presidenta, MARIAN FERREIRO DIAZ, reúnese a Xunta de Goberno Local en sesión ordinaria. Asisten os/as corporativos/as que se sinalan á marxe.</p> <p>Actúa de secretaria, Mª ANGELES MANETIGA FULGUEIRA, a secretaria substituta.</p> <p>Aberta a sesión de orde da presidencia adoptáronse os acordos seguintes:</p>
---	---

1.- APROBACIÓN, SE PROCEDE, DA ACTA DA SESIÓN ANTERIOR

Dada conta da acta da sesión anterior, a Xunta de Goberno Local, por asentemento deulle a súa aprobación.

2 .- DAR CONTA DUNHA RESOLUCIÓN DA ALCALDÍA DE SOLICITUDE DE COFINANCIAMENTO DOS SERVIZOS SOCIAIS COMUNITARIOS PARA O ANO 2025 Á XUNTA DE GALICIA.

RESOLUCIÓN DE ALCALDÍA

Visto o informe-proposta de resolución cuxa literalidade se transcribe a continuación:

“ASUNTO: Solicitud de cofinanciamento dos Servizos Sociais Comunitarios para o ano 2025 á Xunta de Galicia.

A Xefa do Servizo Sociocomunitario Municipal, Yolanda Martínez García, en relación co expediente relacionado no asunto emite o seguinte informe-proposta á Alcaldía

ANTECEDENTES:

Desde hai máis de 10 anos, o Concello de Narón expón anualmente o grao de realización dos proxectos cofinanciados pola Comunidade Autónoma e o Estado en canto ás prestacións básicas de servizos sociais, paso necesario para realizar a solicitude de subvención para o seguinte exercicio.

Actualmente, esta xustificación e solicitude está regulada polo Decreto 99/2012, de 16 de marzo, polo que se regulan os servizos sociais comunitarios e o seu financiamento.

Unha vez cursada no aplicativo do PASSC a xustificación da anualidade do ano 2024, compre realizar a solicitude de financiamento para o exercicio 2025.

Se ben a Xunta de Goberno Local ten delegada a competencia para a solicitude de subvencións doutras administracións públicas, o calendario de celebración de sesións deste órgano imposibilita a súa aprobación, antes do prazo límite de presentación da solicitude na aplicación da Xunta de Galicia, sendo preciso acelerar a tramitación do expediente.

Neste senso, a Lei 40/2015, de 1 de outubro, de Réxime Xurídico do Sector Público, no seu artigo 10 establece: "1. Los órganos superiores podrán avocar para si el conocimiento de uno o varios asuntos cuya resolución corresponda ordinariamente ou por delegación os seus órganos administrativos dependentes, cando circunstancias de índoles técnica, económica, social, xurídica o territorial o fagan conveniente. (...) 2. En todo caso, la avocación se realizará mediante acordo motivado que deberá ser notificado a los interesados en el procedimiento (...).

En aplicación do anterior, corresponde á Alcaldesa a avocación da delegación de aprobación da solicitude de subvención na Xunta de Goberno Local, debido á urxencia de realizar este trámite, sen prexuízo de dar conta á Xunta de Goberno Local de dita aprobación e do acto de avocación.

FUNDAMENTOS XURÍDICOS:

-Lei 7/1985, de 2 de abril, Reguladora das Bases do Réxime Local

-Lei 38/2003, de 17 de novembro, Xeral de Subvencións

-Real Decreto 887/2006, de 21 de xullo, polo que se aproba o Regulamento da Lei 38/2003, de 17 de novembro, Xeral de Subvencións

-Lei 9/2007, de 13 de xuño, de subvencións de Galicia

-Lei 27/2013, de 27 de decembro, de racionalización e sostenibilidade da Administración Local

-Lei 5/2014, de 27 de maio, de medidas urxentes derivadas da entrada en vigor da Lei 27/2013, de 27 de decembro, de racionalización e sostenibilidade da Administración Local.

-Lei 39/2015 de 1 de outubro de procedemento administrativo.

-Decreto 99/2012, do 16 de marzo, polo que se regulan os servizos sociais comunitarios e o seu financiamento.

-Decreto 148/2014 de 6 de novembro, polo que se modifica o decreto 99/2012, do 16 de marzo, polo que se regulan os servizos sociais comunitarios e o seu financiamento.

-Orde 14 de decembro de 2021 polo que se modifica o módulo de financiamento do SAF para dependentes. Dog nº 242 de 20/12/2021.

-Orzamento do concello de Narón en vigor.

En base ao anterior, a Xefa do Servizo Sociocomunitario, propón á Alcaldía que resolva:

1º.- Avocar a competencia delegada na Xunta de Goberno Local, para a aprobación da Solicitude de cofinanciamento dos Servizos Sociais Comunitarios para o ano 2025, á Xunta de Galicia.

2º.- Solicitar á Xunta de Galicia o cofinanciamento dos Servizos Sociais Comunitarios para o ano 2025, por un importe de 7.386.630,99€ co seguinte detalle (ver documento opencertiacc SSO19I0100 informe da xefa do Servizo) :

Concepto	Importe total	Achega municipal	Subvención solicitada	Outras achegas autonómicas concedidas
Persoal	1.481.931,64	1.053.434,74	413.864,00	14.632,90
Axuda no fogar libre concorrencia	69.510,00	33.510,00	36.000,00	0,00
Axuda no fogar Dependencia	3.444.519,60	1.557.111,60	1.887.408,00	0,00

Programas	2.390.669,75	1.609.330,53	533.830,33	247.508,89
TOTAL	7.386.630,99	4.253.386,87	2.871.102,33	262.141,79

3º.- Declarar que os servizos sociais comunitarios municipais seguen a prestarse con continuidade.

4º.- O Concello de Narón comprométese a cofinanciar o mantemento e o desenvolvemento dos servizos sociais comunitarios de titularidade municipal incluídos no proxecto anual presentado para a solicitude da transferencia finalista correspondente ao exercicio 2025 na contía de 4.253.386,87€ que supón unha porcentaxe do 59,70% sobre o orzamento total do proxecto, excluídas outras achegas autonómicas.

5º.- O subconcepto económico de ingreso que financia este gasto é o 45080.”

E unha vez tomada razón pola Intervención municipal en data 28/03/2025, documento de intervención (ICO19I0023), do documento(SSO19I01PZ) do expediente SSO/2025/15, esta Alcaldía, en uso das atribucións que lle confire a Lei Reguladora das Bases do Réxime Local e demais normativa concordante e de conformidade cos servizos xurídicos, **RESOLVE:**

Aprobar o informe-proposta anteriormente transcrito nos seus mesmos termos

A Xunta de Goberno Local, deuse por enterada.

3 .- PROPOSTA DE APROBACIÓN DO PADRÓN FISCAL DAS TAXAS POLOS SERVIZOS PRESTADOS POLO SERVIZO SOCIOCOMUNITARIO DO MES DE MARZO DE 2025 .-

(...)

Primeiro: Aprobar o padrón fiscal correspondente á taxa polos servizos prestados polo Servizo Sociocomunitario (ENVELLECIMENTO ACTIVO) do mes de marzo de 2025, que comenza por 3263****A e remata por 7640****H, cun total de 430 contribuintes e por importe de 3.504,50 €.

Segundo: O padrón quedará exposto ao público no Concello durante o prazo de 15 DIAS, a contar dende o día seguinte á publicación do Edicto no BOP. O presente anuncio ten carácter de notificación colectiva ao abeiro do disposto no artigo 102 da Lei 58/2003, xeral tributaria, e no artigo 75 da Ordenanza Fiscal nº 1 xeral de xestión, recadación e inspección.

Terceiro: Durante o período de exposición pública, contra as liquidacións incorporadas ao padrón, todos os interesados poderán interpoñer as reclamacións ou alegacións que consideren pertinentes.

Cuarto: Finalizado o prazo de exposición pública, os interesados poderán interpoñer recurso de reposición, segundo o disposto no artigo 14.2 do Real Decreto Lexislativo 2/2004, do 5 de marzo, polo que se aproba o texto refundido da Lei reguladora das Facendas Locais, no prazo DUN MES contado dende o día seguinte ao mesmo. Contra a resolución recaída no recurso de reposición poderán interpoñer, ante o Xulgado do Contencioso-administrativo de Ferrol, recurso contencioso-administrativo, no PRAZO DE DOUS MESES contados dende o día seguinte ao da notificación da devandita resolución. De non recaer resolución no PRAZO DUN MES, a contar dende o día seguinte ao da presentación do recurso de reposición, en virtude do disposto no artigo 14.2 do Texto Refundido da Lei de Facendas Locais, entenderase desestimado, cos efectos xurídicos establecidos nos artigos 24 e 25 da Lei 39/2015 de 1 de outubro, do Procedemento Administrativo Común das Administracións

Públicas. Con todo, se se considera convinte, poderán utilizar e exercer calquera outro recurso que estimen pertinente.

VOTACIÓN E ACORDO.- A Xunta de Goberno Local, por unanimidade e en votación ordinaria, aprobou a proposta transcrita.

4 .- PROPOSTA DE APROBACIÓN DOS PADRÓNS FISCAIS DAS TAXAS POLO SERVICIO DE AXUDA NO FOGAR: DEPENDENCIA E LIBRE CONCORRENCIA DO MES DE MARZO DE 2025.-

(...)

Primeiro: Aprobado o padrón fiscal correspondente á taxa pola prestación do servizo de axuda no fogar, na modalidade de Dependencia, do mes de marzo de 2025, que comenza por 3255****M e remata por 7637****R, cun total de 188 contribuíntes e por importe de 20.873,69 €.

Segundo: Aprobado o padrón fiscal correspondente á taxa pola prestación do servizo de axuda no fogar, na modalidade de Libre Concorrencia, do mes de marzo de 2025, que comenza por 3259****F e remata por 4362****F, cun total de 14 usuarios e por importe de 705,90 €.

Terceiro: Os padróns quedarán expostos ao público no Concello durante o prazo de 15 DIAS, a contar dende o día seguinte á publicación do Edicto no BOP. O presente anuncio ten carácter de notificación colectiva ao abeiro do disposto no artigo 102 da Lei 58/2003, xeral tributaria, e no artigo 75 da Ordenanza Fiscal nº 1 xeral de xestión, recadación e inspección.

Cuarto: Durante o período de exposición pública, contra as liquidacións incorporadas aos padróns, todos os interesados poderán interpoñer as reclamacións ou alegacións que consideren pertinentes.

Quinto: Finalizado o prazo de exposición pública, os interesados poderán interpoñer recurso de reposición, segundo o disposto no artigo 14.2 do Real Decreto Lexislativo 2/2004, do 5 de marzo, polo que se aproba o texto refundido da Lei reguladora das Facendas Locais, no prazo DUN MES contado dende o día seguinte ao mesmo. Contra a resolución recaída no recurso de reposición poderán interpoñer, ante o Xulgado do Contencioso-administrativo de Ferrol, recurso contencioso-administrativo, no PRAZO DE DOUS MESES contados dende o día seguinte ao da notificación da devandita resolución. De non recaer resolución no PRAZO DUN MES, a contar dende o día seguinte ao da presentación do recurso de reposición, en virtude do disposto no artigo 14.2 do Texto Refundido da Lei de Facendas Locais, entenderase desestimado, cos efectos xurídicos establecidos nos artigos 24 e 25 da Lei 39/2015 de 1 de outubro, do Procedemento Administrativo Común das Administracións Públicas. Con todo, se se considera convinte, poderán utilizar e exercer calquera outro recurso que estimen pertinente.

VOTACIÓN E ACORDO.- A Xunta de Goberno Local, por unanimidade e en votación ordinaria, aprobou a proposta transcrita.

5.- ROGOS E PREGUNTAS

Non se formularon.



V. e pr.

F_FIRMA_96

F_FIRMA_4